

龍溪縣志卷之三

規制

城池

公署

倉

驛

舖

開疆置邑必先營建金城湯池天險也楚宮鄭館國宅也以備委積則有倉以具屏履則有驛以傳簡檄則有舖舍此皆守土者之事也善守土者視官如家焉城郭其垣墉爾溝池其潢潦爾既固矣而復謹其蓋藏之所出入治其賓客之所信宿郵傳之所往來如是而坐嘯畫諾焉已哉志規制

城池

邑附郭城即府治也在唐無攷宋初築土為子城周四

龍溪縣志

卷之三

城池

一

里關門六東曰名第曰清漳西曰登仙曰朝真南曰

雲霄北曰慶豐祥符六年守王冕豎木柵為外城周

一十五里勅改慶豐門為貢珠門

時邑民即類於九龍江網魚得珠守

王冕貢於朝故有是名

紹興閒守張成大毀子城改東西北三

面木柵築以土惟南一面阻溪嘉定四年守趙汝諧

始砌東門以石寶慶閒守危稹改貢珠門為環珠門

靖康之難珠復飛還濱江之人夜見神龜負珠遊於波心形色如舊

紹定三年倅林有

宗守江模相繼砌西南北三面城周三千餘丈關門

七東曰朝天西曰安豐南曰通津北曰貢珠西北為

小關門西南為龍溪門東南為朝宗門城上設候亭

二嘉熙閒守李韶改東門曰武勝

前紹定初汀寇來

守韶書門取止戈為武之義淳祐三年賊徒過縣界皆望風遁去民獲安

淳祐九年守章

大任重脩東西北三門砌石路元至正二十六年陳

友定改而縮入之惟南一面如故周二千一百七十

三丈減紹定閒三之一存東西南北四門明洪武二

十七年置月城建樓其上築女牆一千五百一十有

四戰樓二十有五窩舖二十有三水關樓二正統天

順閒指揮使楊隆重建西北門內外樓及東門外樓

成化五年僉事黃隆重建東門內樓九年巡撫張瑄

以城東南舊築土堤潦至輒壞命易以石十四年捐

龍溪縣志

卷之三

城池

二

揮王景重建西水關樓十八年知府姜諒復發築東

南城外堤其上作保安亭

鄉人陳舒為記

弘治十四年指揮

侯汴於登高山之上建威鎮亭正德閒知府陳洪謨

嘉靖閒知府顧四科盧壁先後脩葺城垣隆慶元年

知府唐九德以城北芝山地僻築窩舖三以百戶守

之五年知府羅青霄同知羅拱辰建月城四敵臺二

十一又於巽方改建八角樓額曰威鎮閣以配北之

威鎮亭

郡人黃泮為記

萬歷十九年南城樓災推官龍文明

重脩二十七年知府韓擢更南門曰三台

時新遷南橋三台洲

見故東曰文昌西曰太平北曰太初

國朝順治十二年海寇墮城投所砌石於海寇遁復築
建四門城樓窩舖七十有七塚口一千二百有四周
一千九百七十一丈復減至正間十之一康熙八年
副將袁如桂增設火藥局一十八間於城上改三台
門曰時阜十年巡海道陳啓泰脩東城樓三十六年
知縣田廣英脩南城樓五十年奉文脩窩舖雉堞五
十三年知府魏荔彤因威鎮亭故址築萬壽亭雍正
十年知縣劉良璧脩北門內樓次年脩外樓復脩南
門外樓及西門內外樓北樓高二丈七尺五寸西樓
高二丈三尺以形家言西宜
低小北宜
高大故也乾隆二年良璧來守郡重建威鎮閣基與

龍溪縣志

卷之三

城池

三

城齊聳出城六丈有奇二十二年閣為雷所震二十
四年復震知府蔣允焄重脩

池即濠也宋築子城至咸平二年始濬濠環之祥符六

年守王冕加濬西濠

即今西
溝池

又鑿西南水門以通舟

楫及紹興間闢城而大之而子城之濠皆在城內紹
定三年置閘門三元至正間陳友定浚濠三百五十
九丈東西作二水關匯於南以東北隅地勢高別為
小溝從城下小閘出以洩北方之水南臨溪北依山
而壑之水不能達
名曰乾濠明嘉靖三十二年知府李僑因寇
警慮水關或有疎虞置鐵柱錮其中以故濠不通隆

慶六年知府羅青霄撤鐵柱以百戶司其啓閉

國朝雍正七年巡道朱鴻緒議開濬城內濠溝未就乾

隆六年知府張廷球始疏濬之從西閘引水入西橋

歷西沽橋觀橋轉碩仁橋過北橋復歷丙申太古諸

橋折而東由東閘出匯於溪十三年知府金溶重濬

漳州知府金溶記漳郡形勢帶水枕山爭流競秀水

潦濁穢積而必舒因中為濠以疏靈脉而通潮汐利

舟楫洵國計民生之要務載稽誌乘東濠西溝三閘

創自咸平祥符紹定之世嗣代有經營咸資樂利自

海氛掃平以來國家休養生息戶口殷繁廬舍鱗

櫛淤穢全填堤岸傾塌溝渠故道莫可辨別前道憲

陳公樹著署守張公廷球司馬陸公鶴別駕劉公慶

驕邑令章君璠因紳士請聞於上憲舉脩濬事捐

輸者竭蹶不踰年而土功有成績時序乘除諸公以

遷秩去而謀始善成未竟厥緒數年內兩濠之閒砌

龍溪縣志

卷之三 城池

四

者塌擴者侵流者淤疏者積經營鳩危之精神幾同
棄并乙丑春余自栢臺來守茲士及戊辰臆兩學泮
流淤塞因開西姑闢九曲以通其勢分溝池築堤岸
以復其舊擘畫隨宜規制依古爰進紳士詢所謂濬
濠往事引為己責而身為士民勸俾羣力扛鼎眾煦
漂山未淡兩旬脩復如初以竣事申於上憲且為善
後計夫有廢而莫之舉論事者生令甲之思有初而
鮮克終規時者起電泡之慨雖纖節細目要必有可
大可久之精意貫徹乎其間斯因創可立於不敝而
聞風者傾心任事者矢力况關國計民生之大政乎
是役也督理者司馬陸諱鶴別駕劉諱慶驪分查者
經歷司馬積純司獄司鄧弘紳士首事者主事王材
員外郎林編舉人鄭蒲通判郭元龍兵馬司指揮李
六軍貢生郭福臻州同林運墳分理及捐貲者指不
勝屈起於乾隆六年三月初七竣於乾隆七年二月
初十計日三百二十有七計金八千四百七十兩有
奇而余續董其事督勘則身親任之挑濬則家各理
之藉邦人急公好義之力而適觀厥成則余有厚幸
焉為勒其時其事其人於石出貲姓氏於碑
之陰俾後起者保障勿替金有所觀感云爾

公署

萬壽宮在城北隅

卽通判廳址

國朝乾隆二十四年知府暴煜知縣陶敦和建邑進士鄭蒲董其役中爲

殿

陛九級兩廡設文武直房朝正祝

釐之所維備

縣治在城西偏唐時創建無考宋淳熙十二年令趙不病嘉定四年令陳士會紹定四年令蘇應衡先後脩葺明洪武初知縣楊保誠重脩扁其堂曰道愛東爲

龍溪縣志

卷之三

公署

五

幕廳西爲架閣庫儀門內之東爲獄儀門外之東爲土地祠正統二年知縣顧鴻重建大堂及架閣庫成化五年知縣張寧重建後堂十五年縣丞吳鵬市民屋增拓吏舍竝於舊架閣庫址充建公廨二十三年知縣李榮重脩大堂易道愛曰平政立司牧石坊於大門外弘治十六年知縣姚鵬建旌善申明二亭嘉靖十年知縣俞璉撤司牧坊建鼓樓又建石坊二曰一方民社曰百里絃歌二十八年知縣林松建譙樓築拱辰垣十餘丈易戒石亭以石坊徙二石坊於大門外之左右徙土地祠於儀門外之西卽預備倉故

址築勿喜亭後祠復徙於東卽祠地建延賓館扁其
善拜堂日

國朝順治十一年海寇墮城公署折毀殆盡次年知縣

董惟建後堂一所康熙二年知縣馬備建大堂十七

年知縣魏明德建大門儀門乾隆二年知縣王裕瓚

葺大堂六年知縣李芬建大堂後廨舍六間十一年

川堂儀門漸圯知縣袁本濂重修

縣丞廳舊在縣署東

國朝乾隆十一年移駐二十五都華對

典史廳在縣署西

龍溪縣志

卷之三

公署

六

附舊署

主簿廳在縣署西今廢

江東驛在縣東二十八都

詳見

驛

甘棠驛

詳見驛

柳營江巡檢司在縣東二十七

都明洪武閒設為柳營江掣制所後改為批驗鹽引

所正統九年改為巡檢司

國朝乾隆八年裁

按明有遞運所在江東馬驛外洪武

十三四都嘉靖四年裁二署在明時已廢革附載於此

憲署

分巡汀漳龍道署在城東卽明鎮撫司地嘉靖閒巡海

道謝汝儀知府陸金拓民居創建

國朝乾隆二十四年七縣重脩

府治在城南唐貞元二年建元爲漳州路總管府明屢有脩建

國朝康熙四十九年知府魏荔彤重建蓋仰文樓乾隆二十二年七縣重脩堂右爲經歷司廳儀門右爲司

獄司廳

海防同知館在西隅後街

國朝雍正十三年移駐平和縣南勝

糧捕通判館在十一都石碼鎮原在城後街

國朝乾隆八年移駐今所

龍溪縣志

卷之三

公署

七

貢院在元妙觀左舊爲雜造局地明弘治閒爲巡按行署後署別建乃割後堂地爲張何祠祠圯復改爲雲龍書院

國朝改爲試院康熙三十年始蓋瓦廠地狹隘不能容則通元妙觀以充之五十五年重脩乾隆二十二年自大堂至儀門盡圯二十四年巡道張濬寅知府暴煜余文儀知縣陶敦和偕六邑令重建購官地之入於民者擴而新之二十五年知府蔣允焄知縣吳宜燮建試棚複道上以海月介鱗次之爲天窓曦光射而風雨不侵里人吳開業鄭蒲董其事郡人蔡新

爲之記

按公署編次

朝會之所宜首冠也縣屬專茲土故先之次監轄大吏署次本府署次諸佐領署而以行署終焉營衛載軍制師儒入學校不具列

倉

邑倉自元以前無考明有預備倉在縣儀門外嘉靖二十八年知縣林松徙於府常平倉內有義倉又有社倉二十所在各都後俱廢

今東廂岳口保倉巷內有東義倉爲民居所侵尙存

二開

龍溪縣志

卷之三

公署

倉

八

國朝順治十一年

詔各府州縣常平倉及義倉社倉積貯備荒舊積新儲每年二次造冊報部康熙十八年題准地方官整理常平倉鄉村立社倉鎮店立義倉自後法制遞詳凡新舊交代存七糶三及獎勵捐輸諸例載在會典雍正以來常平虧空之處分益嚴邑遭海氛之後常平倉未能卒復多借他所以儲穀康熙三十一年知縣線應絲始建於署西五十三年知縣江國棟復建於儀門之外後圯於水今存者署內倉法濟寺倉開元寺倉三所

署東西及署後倉二十五間東西舊倉創建無考署後
新倉雍正十二年知縣劉良璧乾隆五年知縣李芬
先後建貯穀一萬一千一百九十石四斗零

法濟寺倉五十間雍正七年知縣吳道來十一年知縣
孫國柱乾隆元年知縣申景雲四年知縣王裕瓚十
年知縣章璠先後建貯穀二萬五千九百四十三石
七斗零

開元寺倉八間乾隆七年知縣章璠建貯穀五千五百
五十三石六斗

社倉四十二所

龍溪縣志 卷之三 倉

國朝乾隆十八年奉文設立共貯本息穀一萬七百六

十二石零

東廂慈園社 貯穀三百四十
七石二斗零

西廂社 貯穀一百三十
七石二斗零

南廂上下沙社 貯穀三百五
十八石零

北廂社 貯穀二百三
十四石四斗

十一都高許林社 貯穀三百九
十五石零

方碩社 貯穀二百一
十石八斗零

吳真社 貯穀一百五十
四石九斗零

鄭黃高社 貯穀一百三
十九石四斗

石碼社 貯穀一百八十
二石七斗零

鄭周林社 貯穀一百四
十四石五斗零

王五倫社 貯穀二百零
七石七斗零

十二三都楊鄭吳社 貯穀二百三十

林尾社 貯穀二百五十
連任社 貯穀二百四十

二十一都謝前塘社 貯穀四百四十

林堂社 貯穀二百五
西文社 貯穀三百三十七

夫寶社 貯穀一百八十
山墘社 貯穀一百八

二十二都黃柑社 貯穀三百零

陳宏講社 貯穀二百九

二十三都張奇社 貯穀三百三

磁礪社 貯穀三百三十
金沙社 貯穀一百三十

寨坂社 貯穀一百一十
沙建社 貯穀一百二十

龍溪縣志 卷之三 倉

二十五都桃源社 貯穀一百九十

浦西社 貯穀一百三十
昇平社 貯穀二百零

龍嶺社 貯穀一百
華對社 貯穀二百零

宜招社 貯穀一百八
歸德社 貯穀一百九

二十六都茶園社 貯穀三百七

內林社 貯穀三百六十

二十七都林雲社 貯穀四百三十

蔡吳唐社 貯穀三百八

二十八都劉瑞社 貯穀三百零

湧頭社 貯穀一百八十
許茂社 貯穀二百九十

二十九都石美社貯穀三百五十

田裡社貯穀四百五十

驛

丹霞驛在天后宮前宋淳祐閒建於朝天門外疑即迎春驛詳

見後元至正閒徙府治東明洪武閒移建今所改名清

漳尋復舊

國朝設贍夫六十名走遞公文等夫六名堯夫十五名

康熙三十八年裁驛務歸縣帶理東至江東驛四十里南至甘棠驛四

十里今驛舍尚存大堂後堂花廳及驛前樓諸所

甘棠驛在縣南四十里地屬漳浦元至正閒建明洪武景泰

龍溪縣志卷之三 十一

嘉靖閒知府許榮謝騫盧璧先後脩建

國朝設贍夫五十名走遞公文等夫四名堯夫十名後

驛燬移丹霞乾隆二十一年裁驛務歸縣帶理北至丹霞

驛四十里南至漳浦縣臨漳驛五十里

江東驛在縣東灣頭保宋為通源驛元至正閒改今名

明洪武嘉靖閒屢有脩建

國朝設贍夫六十名走遞公文等夫六名堯夫十五名

乾隆二十一年裁驛務歸縣帶理東至同安縣深青驛六十里西至丹

霞驛四十里今驛館尚存後進三區又有公館在江東橋西

按府志在城有迎恩驛東路朝天門外有迎春驛又

東四十五里有通源驛淳熙間郡守以驛路疎遠行人無依酌道里之中立庵設廩以待客命僧主之南路木棉庵守傅伯壽建東路鶴鳴庵守黃朴建置廩田通源庵守方深建亦置廩田龍江庵守黃朴重修撥本州廢寺田以贍之

按丹霞驛舊屬本府江寧驛舊屬長泰縣今丞裁三驛悉歸本縣兼理故具列之

鋪
宋建隆初設鋪兵紹興閒立擺鋪法元制有十里十五里二十里之異明制十里為鋪鋪兵五人

國朝因明之舊設鋪司鋪兵龍溪為鋪十有三相距各
龍溪縣志卷之三
驛
十里
士

城內府前鋪

東路七鋪赤嶺 鶴鳴 馬岐 江東 石井 管

橋 龍江 距同安仙店鋪十里

西路二鋪溪口 樂仁 距南靖縣前鋪十里

南路三鋪椽林 木棉 馬坪 距漳浦甘棠鋪十里

東南路鋪二蓮浦 西陵 通海澄徑路

